

SANITÉ: L'apoteca "Pütia" a Picolin é stlütta dai 18 ai 25 d'otober.

La Mahlkecht Dr. Margarete è demez en vëndres, ai 23 de otober y vëgn sostituida dal Dr. Agreiter Edoardo

PLOANIES SAN MARTIN Y LUNGIARÜ

Papa Francësch á invié i mituns de döt le monn ala oraziun cuntra la pandemia. Insciö ál orü sostigní la scomenciadía "**N miliun de mituns dij la corona**" inviada ia dala organizaziun "La Dlijia che patësc". I orun ince te nostes families tó ca la spaternóra y perié cun i mituns y s'uní insciö cun i mituns de 80 stac de düc i continënc. Defrunt ala crisa gaujada dal corona-virus á dit le cardinal Mauro Piacenza, presidënt de chësta organizaziun: "I ne podun nia se desmentié, che le maiú aiüt vëgn pa da Chël Bel Dî."

Invit da tó pert al **Edema dla Fede** dla Unité Pastorala dai 18 ai 25 d'otober:

Domënia (18/10): Gran Mëssa te vigni ploania "Scomenciamënt d'l'edema"

Dedolönes (20/10): a La Val referat dales 20.00 dl salf dles manifestaziuns referënt: don Paolo Renner "Quando sono debole è allora che sono forte"

Jöbia (22/10): a La lla dales 20.00 tl salf dles manifestaziuns mësa torona "Tëmp de Covid: esperiënzes inanter tēma y fidēnza"

Vëndres (23/10): te vigni ploania: Ora de adoraziun/oraziun cun so orar

Sabeda (24/10): a San Martin dales 17.00 tl gran salf "The joy of the Lord!"

Domënia (18/10): a Badia/Oies Conclujiun d'l'edema dla fede:

- dales 15.00: Prozesciun cun y dales 16.00 Mëssa dles ploanies sō Oies

La Ciasa de Palsa á scrit fora n concurs publich por ejams por curi 1 post a tēmp parzial 19 ores al'edema da cogo/cōga tla IV^a cualifica funziunala, resservé al grup linguistich ladin. Al vëgn ghiré l'atestat de trilinguism A2 (ex D) y le diplom da cōga. Les domandes ciafun ti ofizi dla Ciasa de Palsa y pó gní descáriédala plata internet www.ciasadepalsa.it.

SAN MARTIN

La schira jonila da San Martin chir animadësses nöies por les incuntades ia por l'ann de scora 2020/21. Preibel cherdé sō Sara por info: 334 15 41 471.

En domënia 25 de otober vëgnel tigni la festa dla racoiōda cun les families y pur chël è les families dër bel inviades a tò pert cun i mituns ala S. Messa de ringraziament.

L'Comun á lascé taié jō valgügn lëgns tla pineta dan la Ciasa de Palsa y condüt demez les taies; sce zacai adorass les rames da lëgna, poi jí ia por l'edema cina en sabeda ai 24.10.2020 a s'un do.

LUNGIARÜ

Le consëi dla Uniun di Seniors da Lungiarü ess dër plajëi sce porsones sura 60 agn se metess a disposiziun da stë sön la lista dla lita che sarà de dezëmber 2020. Präibel anuzesse pro Annelies al tel. 346 3587173 danter i 10 de novëmber.



Plata dles Ploanies San Martin y Lungiarü

siur ploan Klaus Sottas 344 15 54 055 - ksottas@rolmail.net

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunte

18.10 - 25.10.20 nr. 47

29^a DOMÈNIA IA POR L'ANN - A

Vangele do Matî 22,15-21

Por tēne a Gejú na tēnora, â i farisës metü sü discepui, deboriada cun chi che ê sōla pert de Eròdes, da jì da d'ël y da ti dî: Maester, i savun che tò dijës dagnora la verité y che te insëgnes veramēter le tru de Dî, zēnza ti mēte averda a zacai; deache tò ne ciāres nia sōla porsona.

Disse comà: Êl conzedü de ti paié la cuta al imparadü, o no?

Mo Gejú â conesciü sūa marizia y â dit: Os falzuns, ciodî orëise pa m'abiné te tēnora? Mostrédeme la monēda, cun chēra ch'î paiëis osts cutes!

Y ai ti à tignì ia n denar.


Al i à damanè: De chē é pa

chësc retrat y l'iscriziun?

Ai à respognü: Dl imparadü.

Sön chēra ti àl dit: Dedi spo al imparadü, ci che é dl imparadü,

y a Dî, ci che é de Dî!



Pordërt orô le vangelist Matî ma cunté sciöche Gejú â salpü da se vartoré fora dla chestiun, te chēra che i farisës orô l'intrapolé ite. Mo defata é la discusciun piada ia: Tan pó pa ghiré le stat, cis sc'al vëgn governé da n rejim iniüst?

Le denar che i farisës ti tēgn ia a Gejú vel ma tan co na jornada de n laurant, y chēsta é la cuta che ti dô gní paiada al imparadü, porchël âl lascé stampé sūa testa sön la monēda. Insciö minâ Gejú: Dēdi ma al imparadü ci ch'al ghira al ne paia nia la mēia da se lascé sō y riscé lapró osta vita.

Cotan plü importanc co le denar sunse nos ch'î sun cheriá do la somēia de Dî: nos porsones valun cotan deplü co n denar y i sun de Chël Bel Dî ince sc'î sun püri, vedli, andicapá, nia bugn da lauré y por tröc zēnza valor. Por salvé la valüta y l'onur di püri y di debli n'él sté cotanc che s'á lascé sō, don ca sūa vita, Gejú por pröm y tröc d'atri.

Tla discusciun che vá inant sön "tan ch'î ti sun de debit al stat"

n'orunse nia se desmentié "tan ch'î ti sun de debit a Chël Bel Dî". (Image)

EDEMA LITURGICA	SAN MARTIN	LUNGIARÜ	<i>En chësta Domënia dles Misciuns orunse deboriada cun duc i catolics de döt le monn dé n sègn de nosta solidarité. I periun un por l'ater y sostignun les cristianes y i cristians suradöt le monn te so sorvisc por la jënt.</i> <i>Les strotöres sanitaires dla Dlijia é por gauja dl "corona-virus" te de gran dificultés.</i> <i>Deboriada podunse ti dé n gran aiüt.</i>  <i>Festa di maridá iubilars</i> <i>Da te ciaré te tü edli tan tlers stái a me perde tles ones dl mer tan gran y sot, tan lunch y lerch, t'ai te mi cör dé mia lerch.</i> <i>Alda nüsc cörs che bat tan bel vali, sint i pinsiers ci ch'ai é por te dí: I t'á tan ion, i t'ó tan bun, l'amur é ci che fej bun.</i> <i>Canche nüsc dis spo se scörta tl monn, se don la man junse cuntra l'altonn: Bel él da vir', da se tigni inant tl amur da inier.</i> 
18.10.20 29ª DOMËNIA - ann A DE MONDIAL DLES MISCIUNS <i>De dla fede tla comunité</i> <i>San Lúca vangelist</i>	9.00 Corona d'otober 9.30 Gran Mëssa por la Comunité cun Oferta por les Misciuns FESTA DI MARIDÁ IUBILARS dl ann + Cristina Conrater ++ Pire y Rosalia Ploner dl ann + Davide Costalunga	7.55 Corona d'otober 8.15 Gran Mëssa por la Comunité cun Oferta por les Misciuns FESTA DI MARIDÁ IUBILARS Y FESTA DLA RACOIÜDA	
19.10.20 Lönesc <i>Paul dla Crusc, Isach</i>			
20.10.20 Dedolönesc <i>Wendelin, Vitalis</i>	19.30 Mëssa ++ Prousch Vijo y Cristina, Pinter + Piero Cermesani		
21.10.20 Dedemesaledema <i>Ursula y compagnes, Clementina</i>	18.00 Corona d'otober	7.30 Mëssa dl ann ++ Florian y Anna Clara, Brocia ++ Paratscha	
22.10.20 Jöbia <i>Jan Paul II, Cordula</i>	7.30 Mëssa +++ Sabina, Sepl y Milio Flöss fam. Festini Pescollderungg Corona por vocaziuns		
23.10.20 Vëndres <i>Jan da Capestrano, Severin</i>	18.30 Adoraziun chîta 19.00 Adoraziun deboriada	7.30 Mëssa + Teresa Pezzei, Lagoscel ++ Any y Vinzenz Clara dedô Corona d'otober	
24.10.20 Sabeda <i>Antone Maria Claret, Martin</i>	18.30 Mëssa prefestia fam. Pire y Franz Graffonara ++ Guido y Emma Clara	20.00 Mëssa prefestia ++ Zilia Daporta y Pezzei Franz, Gstan + Roslinda Deiaco de reng. fam. Marino Mischì, + s. Justina y Maria Pescollderungg	
25.10.20 30ª DOMËNIA - ann A sö Oies: Concluijun dl'Edema dla Fede	9.00 Corona d'otober 9.30 Gran Mëssa por la Comunité Festa dla Racoïüda + prof. Otto Rubatscher pur che gnunse scunà dal Coronavirus	7.55 Corona d'otober 8.15 Gran Mëssa por la Comunité	